

Маҳалладош

* Бозор иқтисодиёти ва ҳаёт ҲАММАГА НАФИ ТЕГЯПТИ

ЯҚИНДА маҳалла комитетимиз қошида «Нарғиз» магазини директори Фаттоҳ Мусаев ташаббус билан тикувчилик цехи очилди. Қисқа вақт ичида цех еттига Хитой тикув машинаси билан таъминланди. 28 нафар хотин-қиз тикувчилик курсларига ўқишга юборилди. Ҳозир цехда Муҳайе Мансурбекова, Малика Бадалова, Нодири Қаршиева, Муаттар Бобонова, Лола Раҳматуллаева каби ўнга яқин тикувчилар ишлашяпти. Ишлар шартнома асосида ташкил этилган. Кийимлар белгиланган нарх бўйича тикилади. Тикувчиларнинг иқтисодий таъминотлари яхши бўлмоқда. Яъни, оладиган маошлари қиладиган меҳнатларига боғлиқ.

— Мазкур тикувчилик цехи Тошкент шаҳар Кенгашининг 1990 йил 7 сентябрдаги учинчи сессияси қарорига кўра очилди. — дейди маҳалла комитети раиси Тойир Қўчқоров, — бу тикувчилик цехи нафақат уй бекаларига, балки, бошқа маҳалла аҳли учун ҳам аҳамиятли бўлди. Кичик корхонадан келадиган даромаддан ҳар ойда маҳалла аҳлига 500 сўм пул ўтказилади. Ҳозир маҳалла ҳисобидаги пул миқдори ўн уч минг сўмга етди. Биз ҳали аҳоли эҳтиёжи учун зарур шундай кичик корхоналар ташкил этиш билан турмуш шароитимизни янада яхшилашга жазм этганмиз.

Мавлуда РАҲМАТУЛЛАЕВА.

Фрунзе район Юнус Ражабий номи маҳалла хотин-қизлар кенгаши раиси.

ХАЙРИЯ СОВҒАЛАРИ

ЯҚИНДА Октябрь район ҳокими Адҳам Миржалолов, маҳаллалар ишлари мувофиқлаштириш кенгаши раиси Ёдгор Обидов, Моварауннаҳр мусулмонлари диний бошқармаси раёсати ходими Абдуғани Исмолов ва Муҳаммадбобир Йўлдошевлар «Хизматчи» маҳалласи аҳли орасида бўлишди. Улар

Туркиядан юборилган ёрдам ва Моварауннаҳр мусулмонлари диний бошқармаси ҳисобидан кам даромадли оналар, ногиронлар, қаровсиз қарияларга хайрия сифатида озиқ-овқат маҳсулотлари ва маълум миқдорда пул улашдилар.

Абдулла ТОЛИПОВ.

РЕСПУБЛИКА Президенти халқнинг турмуш даражасини яхшилаш борасида фармонлар чиқарган. Шулардан бири, 17-мартда аҳолининг озиқ-овқат ва сут маҳсулотлари билан таъминлаш масаласининг кўндаланг қўйилганлигидир. Ушбу кўрсатма шаҳар Ҳокими ижроия маҳкамаси савдо бош бошқармаси ходимлари орасида кенг муҳокама этилди.

* Фармон ва ижро ҲАҚЛИ ТАЛАБГА ЖАВОБАН

Сўнгги ойлар ичида маҳаллалар аҳолиси, турли корхоналар ишчи-хизматчиларининг сутга бўлган эҳтиёжлари ортган эди. Бу талаб ва эҳтиёжларни кўриб чиқиб, Тошкент, Ангрен, Олмалик, Сирдарё, Жиззах, Самарқанд шаҳарларидаги сут ишлаб чиқариш комбинатларига сут миқдорини янада ошириш вазифаси юклатилди. Натижада шаҳар аҳолиси етарлича сут билан таъминланадиган бўлди. Бир ой олдин аҳолига кунига 30 — 40 тонна сут сотилган бўлса, ҳозир бу кўрсаткич 250 — 260 тоннага етди.

Мирфозил МИРАЮПОВ,
Тошкент шаҳар Ҳокими
ижроия маҳкамаси савдо бош
бошқармаси бошлиғининг
ўринбосари.



Бу миллий жиҳозлардан фойдаланишни ёшларимиз ҳам ўрганишлари керак.

«МИР-АРАБ» ТОЛИБИ

ЧИЛОНЗОР районидagi «Дўмбиробод» маҳалла фаоллари араб тилидан машғул олиб борадиган мударрис излашяпти. Буни қарангчи, ўтган йили 131-ўрта мактабни битирган Авазжон Турғунов ҳам шу қўлғи ишга бел боғлаган экан.

— Авазжон, — дейди маҳалла комитети раиси Усмон Абдуллаев фаоллар йиғилишида. — Бухородаги «Мир-Араб» мадрасасига бориб ўқимокчи. Келинглари, маҳалла ҳисобидан унинг ўқишга боришига ёрдам берайлик. Мударрис ўзинингдан чикса ёмон бўлмайди. Маҳалла ҳудудида учта ўрта мактаб, бешта болалар боғчаси ва бир қанча корхоналар мавжуд. Улардаги ёшларимиз эрта-кеччи савод чиқаришлари керак. Бу тақлиф кўпчилигига маъқул бўлди. Авазжон Бухоро «Мир-Араб» мадрасасининг толиби бўлди.

Йўлдош ИЛҲОМОВ.

* Сизга қандай хизмат кўрсатишяпти? МУШКУЛЛИГИЗ ОСОН БЎЛАДИ

«Бешқайрағоч» даҳасида жойлашган меиший хизмат уйида турли хизматлар мавжуд. Модалар ательеси, кийимларни кимёвий усулда тозалаш пункти, суратхона, алоқа бўлими, телерадио устaxonаси, ижара пунктлари шулар жумласидандир. Бу нуқталарда ўз касбининг усталари бўлган мутахассислар ишлашиб, улар миҳозлар истагини бе-нуқсон бажаришга ҳаракат қилишади.

Масалан, биргина ижара пункти хизматини олайлик. Сизга бу ерда тўй-туркун ва маъракалар учун зарур бўлган барча буюмларни топиб беришади. Бу ишда Адҳам Абдурахмонов бошчилигидаги хизматчилар яқиндан ёрдам кўрсатишади. Айниқса шу атрафда жойлашган Усмон Юсупов, Фурқат, Файзулла Хўжаев, Ҳамза, «Оқма-чит» маҳаллаларининг аҳолиси пункт хизматидан миннатдордирлар.

— Ўзбекнинг нимаси кўп, тўйи кўп, — дейди меҳнат кексаларидан бири Маҳмуд ота Каримов. — Шунда дарҳол ижара пунктига югурамиз. Бу ердагилар бизни дастурхондан тортиб пиёла чойнакча бўлган барча керакли буюмлар билан таъминлашиб, оғиримизни енгил қилишади.

Миртемир ҚОДИРОВ.

СУРАТЛАРДА: ижара пункти ва кийимларни кимёвий тозалаш хизмати ходимлари Адҳам Абдурахмонов ҳамда Машкура Олимовалар миҳозлар билан мулоқотда.

Муаллиф суратлари.



ҲОЖАТБАРОРЛАР

ШАҲАР ижара буюмлар хизмати бошқармасига қарашли 1-ижара буюмлар дўкони ходимлари хизматидан район аҳолиси мамнун. Бу ерда ойнан жаҳон, тикув машинаси, болалар кажаваси, магнитофон, музлатгич, радио, ёзув машинаси, музика асбоблари ва уй рўзғор буюмлари бу ерда аҳоли эҳтиёжи учун доимо тайёр туради. Одамлар истаган вақтларида ўзлари хоҳлаган жиҳозларини олишлари мумкин.

— Бозор иқтисодиёти шароитида йиллик режаларни бажариш учун бор имкониятларимизни ишлатяпмиз, — дейди ижара буюмлар дўкони ходими Собитжон Сиддиқов.

— Масаланинг нозик томони шундаки, бизга асосан талаба ёшлар келишади. Бериладиган буюмлар нархини белгилашда бунга эътибор берганмиз. Аҳоли эҳтиёжи учун дўкон ҳисобига сотиб олинadиган моллар нархи кескин ошиб кетганлиги са-

бабли, ўзимизда бор буюм ва жиҳозларни эҳтиётлаб ишлатиш орқали хизмат қилаяпмиз. Яъни, дўконга ма-лакали уста ва таъмирчиларни жалб этганмиз. Бинобарин, бизда ишлайдиган ҳар бир ходим бир касб эгасидир.

Сурайё ЙЎЛДОШЕВА:
Мен Ҳасанбой кўчасида ту-
раман. Бу ижара буюмлар
дўконидан икки йилдан буюн
ўзимга керакли буюмлар
олиб тураман. Ҳозиргача ол-
ган нарсаларимнинг бузилган
қолганлигини эслолмайман.

Моҳидил НАЗАРОВА:
Мен Абдулла Қодирий номи
Тошкент маданият олий
билимгоҳи талабасиман. Уч
йилдан буюн тикув машинаси
олиб фойдаланаман. Турли
хил кийимлар тинаман. Ўз
иқтисодий ҳаётимнинг яхши-
ланишида дўкон ходимла-
рининг хизмати катта.

Латофат БЕКМАТ қизи,
Куйбишев район, «Гулнор»
маҳалласи.

* 9 Май—Ғалаба куни

НАСИБАМ БУТУН ЭКАН...

«БУСТОН» маҳалласида уруш ногирони Йўлдош Азларовни каттаю-кичик ҳурмат қилади. Тасодифий қаранг, у туғилган 9 Май гитлерчилар устидан ғалаба қозонилган байрам куни. Бу кунни отахон ҳар йили қўшалоқ байрам сифатида нишонлайди. Йўлдош ота бу йил етмиш ёшга қаршиляпти. Унинг беш фарзанди, ўн икки невараси бор.

— Улим икки қошини ўртасида экан, — дейди у жанггоҳларда кечган ҳаётини хотирлаган кезларида. — Менга шу кунларга етиш насиб этган экан. Келинг, сизга уч марта ўлимдан қолганлигим ҳақида гапириб берай.

ОМОН ҚОЛМОҚНИ УЙЛАБ

ҚУРШОВДА қолдик. Икки чақиримча келадиган ўрмонга етиб олишимиз керак эди. Душманлар икки томондан ўқ узишпти. Уч кун ўтди. Жим ётавердик. Бир маҳал ҳамюртим Маҳмуд маслаҳат солди:

— Аравада — устимизга пичан ташлаб ўтсак қандай бўларкан.

Аравага жойлашиб, йўл олдик. Маҳмуд пичан остидан от жоловини тортиб қўяди. Ўрмонга яқинлашганимизда ўқ овози эшитилди. Ўқ бир отилиб, тўхтаганидан, душманининг бири «ағасиз арава»га ўйин учун ўқ отганга ўхшарди. Ўрмон ичига кириб олдик. Жойимдан туриб, аравани пичандан тозаладим. Не кўз билан кўрай-ки, шеригим кўкрагини чангаллаганича ётибди. Ўқ араванинг мен ётган томонига отилганди. Менимча, у ўқ овозидан сесканиб, гавдасини хиёл кўтарган. Ўқ устимдан ўтиб унга теккан.

Ўзимизникиларга зўрға етиб олдим.

ТУПРОҚ ОСТИДАН

ХАРЬКОВ яқинидаги кичик бир шаҳарчани озод этдик. Кечкурун офицерлар бир ҳужрада дам олаётгандик. Шерикларим карта ўйнашарди. Мен мизғиб ўтирдим. Бирдан тайёралар овози эшитилди. Унвони катта офицер менга буюрди: «Барибир карта ўйнама-япсан. Чикиб кўрчи, нима гап?» Шинелни елкамга ташлаб, ташқарига чиқишим билан порлаш юз берди. Кўзимни очсам касалхонада ётибман. Кейин айтиб беришларича, бомба уй устига тушиб, хонадагилар нобуд бўлишибди. Мен тупроққа кўмилиб қолибман. Шинелимнинг бир енг кўриниб қолган экан, жангчилар мени чиқариб олишибди.

Енгим сабаб бўлиб омон қолдим.

НЕМИС ЁРДАМ БЕРДИ

ҚИШ фасли эди. Воронежда яна қуршовда қолдик. Дарёнинг нариги кўпригидан бошқа йўл йўқ. Кўприкни соқчи қўриқлапти. Ўқлар тутаган. Жанг қилиб бўлмайди. Уйлай-уйлай немис соқчисининг ўзидан ёрдам сўрашга қарор қилдик. Қаранг, отиб қўяди, деб ўйламаб-миз ҳам, Немис тилини билмаймиз. Охири орамиздан биттаси кўлини кўксига қўйиб кўприкдан ўтишга ижозат сўради. Немис олдин хайрон қолди. Кейин «найн» сўзини такрорлаб, кўли билан нари туришлар, ишорасини қилди. Кейин раҳми келдики, атрофга аланглаб, бармоғи билан «битта-битта ўтинлар» ишорасини қилди. Барчамиз кўприкдан ўтиб олдик.

Худонинг марҳаматини кўринг, бизни қутқариш учун душманининг кўнглига ҳам раҳм уйротганди!

Хотираларни Илҳом АХРОР қозоғга туширди.



ОТАСИННИНГ ҚАБРИНИ ТОПДИ.

УЛУҒ Ватан урушидан кейин қарийб ярим аср вақт ўтганлигига қарамай Тошкент тиббиёт олий билимгоҳи доценти Алишер Аюпов бедарак кетган отасини кўриш умидида яшарди. Шу боис ҳам у отаси жангда бўлган шаҳарларда бўлди. Тегишми ташкилотлардан ёрдам сўради. Яқинда у отаси Азиз Аюповнинг 1945 йил 18 январь куни Шарқий Пруссия (ҳозирги Калининград) вилоятида ҳалок бўлганлигини аниқлади. Отаси Цирбаллен қишлоғида дафн этилган экан. Бурчига содиқ фарзанд ота қабрини зиёрат қилиб қайтди.

Мажид САМАДОВ.

СУРАТДА: Алишер Аюпов отаси Азиз Аюпов қабри қошда.

* Умидли ёшлар

АМЕРИКАДАН ХАТ



ҚАЙСИ она фарзанди-и ёнидан узоқлаштиргиси келадди. Мила опа ҳам қизи Фирузанинг чет элга бориб ўқишига дастлаб қарши чиқди.

— Тошкентда ўқийверсин, — деди у, — аксинини йиллаб кутганим етар. Кейин қиз бола, кўни-кўшиллар гап-сўз қилишади.

— Сени муаллим деб ким айтади, — бу фикрга қўшилмади Махмур ака — Жалолиддин Румий: «Одатда оналар ўз фарзандларининг фойдаси жисми-жони учун кўниб, уларни номалум ёқларга ўтишларига қўйишмайди. Руҳларининг камол топишига монеълик қилишади. Оқибатда улар олам ва одам бирлигининг буюк асроридан ба-бахра қолмайдилар»...

Ўтган йили 21 ноябрь куни Акмал Икромов район «Чўпон ота» маҳалласи, Чилонзор даҳаси, Е-9 «А» мавзесидаги 19-уйда яшовчи Махмур Эшонов хонадониде бўлган тортишув қизи Фирузанинг Америкага ўқишга борадиган бўлгани билан якунланган эди.

Фирюза Тошкентдаги 184-мактабда 8-синфгача ўқиди. Кейин ёш физиклар ва математикларнинг махсус мактабини олтин медаль билан тугат-

ди. 1987 йилда Тошкент давлат дорилфунунининг шарқ-шунослик куллийти талабаси бўлди. Шу билан бирга Тошкент иқтисодий университетининг халқаро алоқалар куллийтига ўқишга кирди. Ҳозир у Америкада—Арканзас штати Аркадельфия шаҳридаги Оачит университетиде таҳсил олмақда.

Яқинда унинг ота-онасига америкалик иқтисодчи Рон Хартдан мактуб келди. Унда шундай жумлалар бор:

«Жаноб Махмур Эшонов! Муҳтарам Мила Хамроевна!

Авалло сизларга америкаликлар номидан саломлар йўллаймиз. Мен жияним Жанна туфайли қизингиз билан танишиб, сизларга мактуб ёзиш шарафига муяссар бўлдим. Фирюза бир неча марта уйимизда меҳмон бўлган. Ота-онам, турмуш ўртоғим, фарзандларимнинг унга ҳаваслари келади. Одатда ёшлар насб танлашда хато қилишади. Фирюза ўз йўлини тўғри танлаган. Бунга — у билан мамлакатимизнинг бадавлат ва машҳур бизнесменларидан бири Сэм Уолтон ҳузурида бўлганимизда амин бўлдим. Сэм Уолтоннинг ҳар дақиқаси ўлчовли. Унинг қабулига ҳар ким ҳам кира олмайди.

Олдин бизни ҳам беш дақиқага қабул қилди. Фирузанинг у билан мутахассислардай, инглиз тилида гаплашишга хайрон қолдим. Бунга Уолтон ҳам ажабланди. Фирма музейини томоша қилиб турганимизда у бизни тағин чақирди. Бу гал суҳбат бир соатга чўзилди. Фирузани кўп нарса қизиқтирарди. Бундан ҳаяжонланган Уолтон: «Ўзбекистон бундай кузатувчан ёшлардан умид қилаверсин» деди мамнун қолди.

Фирюза келажакда етук иқтисодчи бўлиб етишади. У аспирантурада Америкада ўқиса, дейман. Бу учун унга қандай ёрдам керак бўлса, берамиз.

Хатим сўнгиде яна бир бор юртингизга фақат хайри-хотлик билдирувчи америкаликларнинг саломини билдирмоқчиман.

Рон Харт, 1992 йил, 8 январь».

Яқинда Фирюза ўқийдиган Оачит университети декани Мистер Билл Ўзбекистонда бўлиб, Америкада ўқийтган йигирма нафар бўлажак иқтисодчиларнинг хонадонларида бўлишди. Мила Эшонов ҳам улардан қизи ҳақда, яхши гаплар эшитганидан мамнун бўлди.

Илҳом ЙЎЛДОШЕВ.

Болалигимни кўз олдимга келтирсам ота-боболаримиз жуда мурувватли, меҳр-шафқатли кишилар бўлишгани ёдимга тушади. Эндигина эсимни таниган пайтларим эди. Ким томин сувамоқчи бўлса дарҳол маҳалла аҳлига хабар берилар, бир кун олдин сомонли лой тайёрланиб, эртасига ҳашар уюштириларди. Юмушлар

диққатга сазовор жойи маҳалла ранси Тоживой ота биз ёшларни кўрсалар тўхта-тардилар-да, «фалончи бетоб ётибди, бориб дўкондан нон ёки гўшт олиб, олтиб бергин» деб ёнларидан лўз берардилар. «Агар соч-оқоли ўсган бўлса менга келиб айт, сартарош юбораман», дейишни ҳам унутмасдилар.

МУРУВВАТ

битгач хонадон соҳиб баҳоли қудрат қозон қайнатиб келганларни меҳмон қилар, ичкилик ичиш ҳеч кимнинг ҳаёлига келмас эди.

Ёшлигим Тошкент шаҳридаги Эшонгузар (ҳозир «Навта боғ») маҳалласида ўтган. Маҳалла қоровул Қосим ота киш фаслида одамлар уй қудан турадиган пайтгача йўловчилар қийналмасин, деб йўлақларнинг қорини қураб қўярди. Ёз кунлари эса кўчанинг нариги бошидан бу бошигача сув сеппиб, чини-чирик қилиб супурганлар. Бундай юмушлар у кишининг вазифасига кирмаса ҳам савоб учун бажонидил бажарганларини ҳали эшонгузарлик кексалар унутмаган бўлсалар керак. Яна бир

Урушдан кейинги оғир дамлар. Маҳалламизда бирор хонадонда суннат тўғи қилинса биздан ёш каттароқ беш-олти нафар жўралар тўйболани опичиб, гулхан атрофида айлантириб, тушган пулларни ичкиликка сарфлашарди. Бундан кексаларимиз ранжишди. Шунда мен ва Қаҳҳор, Муҳтор, Эгамберди, Қобил, Мираҳмад каби тенгдошларим бу вазифани ўз зиммамизга олдик. Қисқа вақт ичиде маҳалла чойхонасидаги кўрпача ва сочиқлар янгиланди. Стол-стуллар ва идиш-товоқ қўйиш учун шкаф келтириб, оромгоҳни жиҳозлаб бердик.

Кейинги пайтда ана шундай ажойиб анъаналаримиз унутилиб бораётгани биз,

кексаларни ташвишга солаётган эди. Хайриятки, қайта қуриш туфайли миллий қадриятларимиз яна тикланиб, жамиятимизда покларни инсоний фазилатларни улуғлаш ўз ифодасини топмоқда.

Чилонзор райони, «Чилонзор» маҳалласининг 1-боши берк кўчасида Ўзбекистон Республикаси Ички ишлар вазирлиги ҳузуридаги товар моддий бойликларни олиб чиқиб кетишни назорат қилувчи давлат инспекцияси жойлашган. Назоратчилар ўз вазифаларини сидқидилдан бажариш билан бирга шу жойда яшаётган аҳолига мурувват кўрсатдилар. Милиция подполковниги Мутал Сафоев бошчилигида республикамиз ҳудудидан олиб чиқиб кетилаётган чойнак, пилла, лаган ва ликопчалар ушланди. Юзлаб ана шундай рўзгор буюмларининг нархи аниқланиб, маҳалла аҳли давлат кассасига пул тўлашгач, қонун йўли билан улар одамларга ўтказилади.

Маҳаллалар ҳаётини шунга ўхшаш воқеаларни яна келтириш мумкин. Қадриятимизни яхши биладиган халқимиз ўзлигини англаб бораётгани Наврўздек ажойиб байрам кунлари дилимизда ифтихор туйғуларини уйғотади.

Маҳкам ҲАКИМОВ,
меҳнат кексаси.

«ИЛГОР»ЛИК ФИДОЙИ

МАРХУМ Неъматжон аканинг уйлари «Илгор» маҳалласи гузарининг рўпарасида жойлашган. Яқинда бу ерда тумонат одам бўлди: маҳалладошлар, қон-қардошлар, дўст-биродарлар марҳумни хотирлаб дуои-фотиҳа қилиш учун бу хонадонга келишарди... Бугундан бошлаб кўчанинг номи «Маориф» эмас, Неъматжон Аминов деб аталади. Маҳалладошлар кўча муволишидаги шу ном ёзилган лавҳани ўқиб, яна Неъматжон аканинг уйига ташриф буюришади. Марҳумнинг тарихи абадийлаштирилганлиги билан ўз қувончларини изҳор этишади.

— Неъматжон ака жуда оддий, камсукум инсон эдилар, — дейди маҳалла комитетининг раиси Содиқ Мухсимов. — Биз у кишининг домларини абадийлаштириб тўғри иш қилдик. Билмаган одам: кўчанинг илгариги номи ўзбекча экан-ку, шартми уни ўзгартириш дейиши мумкин. Тўғри, бизларнинг маҳаллада русча жой номлари унча кўп эмас. Лекин шакли ўзбекча, мазмуни маҳалла ҳаётига ҳеч қандай алоқаси бўлмаган, киши гашига тегадиган номлар анчагина топилди. Мана бу кўча номларини қаралг: «Қуролланиш», «Темиртов», «Матбуот» (булар яқинда ўзгартирилди), «Алоқа», «Маориф».... Қизиғи шундаки, «Алоқа» кўчасида бирорта алоқа муассасаси ёки «Маориф» кўчасида бирорта маориф шаҳобчаси йўқ. Бизлар ана шундай широк-сифат номларни тарихий жой номлари, обрў-этиборли шахслар номлари билан ўзгартирялмиш.

Неъматжон ака домларини кўчага қўйишимизнинг тўртта асоси бор. Биринчидан, шу кўчанинг бошида Неъматжон ака ота-буваларининг уй-жойи — боғи бўлган. Илгарилари шу атрофда 20—30 хонадон яшарди, холос. Ажойиб, жаннатмакон боғлар бор эди.

Бойни камбағал қилишдан иборат шўро ҳукуматининг сиёсати туфайли шу ерлик Мирюнусбой, Мирсултонбойлар қулоқ қилиниб, жойлари тортиб олинди. Уларга кўшни бўлган Аминжон ака колхозда устачилик қилиб жон сақлаб қолди. Дарвоқе, у одам жуда машҳур уста ўтган. У кишининг отаси, яъни Неъматжон аканинг бузаси Исахожи 19-аср охирида Тошкент шаҳри нажорбонисси бўлган экан. Устачилик авлоддан-авлодга ўтиб келяпти. Аминжон аканинг қолган тўрт фарзанди жуда катта уstadирлар. Маҳалламиздаги иўп уйлари улар қуришган.

Иккинчи асос, Неъматжон ака маҳалламиздан чиққан дастлабки ишчилардан. У 18 ёшидан, Тошкент тўқимачилик комбинати қурилганда бошлаб, то ногиронлик нафақасига чиққунга қадар — 35 йил ўша ерда ишлаб келди. У айниқса уруш йиллари оғир меҳнат қилди. Неъматжон ака кулни тунга улаб — 3-4 сменалаб ишлади. Шу ердан кўпинча фабрикага яёв кетардилар. Ҳалол ва самарали меҳнати учун у киши 2 марта Ўзбекистон Олий Кенгаши Фахрий Ерликлари, «Енгил саннат аълочиси» нишони ва медаллар билан тақдирланган.

Учинчи асос, Неъматжон ака фаол жамоатчи эди. У қарийб 60-йиллардан бери маҳалламиз комитети аъзоси, сўнгги йиллари маҳалла оталар кенгаши раиси сифатида маҳалламизнинг жамияти ишларида фаол иштирок этиб келди. У маҳалламиз гузаригади барча қурилишларда уста укалари — Умаржон, Юсуфжон, Ёқубжон, Тоҳиржонлар билан бошидал-охиригача ишлаган. Сўнгги йиллари 1991 йил ишга тушган маҳалла масжиди қурилишида бошқа оталар қатори бошқоқ ташаббусчилардан бўлиб турди. Неъматжон ака ҳалоллиги, тўғрисиқлиги, адолат-

* Ёдномалар

парварлиги, камтарлиги, ширинсўзлиги билан маҳалла аҳли орасида эътибор қозонган эди.

Тўртинчи асос, Неъматжон ака умр йўлдошлари Ҳудисте билан аҳил яшаб, олтин тўйлар қилдилар, 6 фарзандни тарбиялаб, ҳалол меҳнат билан касб-корли, уйи-жойли қилдилар. Ҳамма фарзандлари олий маълумотли. Собиржон Аминов — кимё фанлари доктори, профессор, Тошкент фармацевтика илмгоҳи проректори; Муроджон — Ўзбекистонда хизмат кўрсатган маданият ходими, Қомуслар Бош тахририяти мудири; Селмўжон — «Хурмат Белгиси» орденли муҳандис-технолог, 15-шаҳар клиник касалхонасида ишлайди; Исроилжон — тиббиёт фанлари номзоди, биринчи ТошМИ домласи; Рустамжон — муҳандис-технолог, кичик корхона хизматчиси; Ферузжон — илмий ходим. Қўёв, келинлари, наваралари ҳам шу рўйхатдагидек турли-туман соҳаларида ишлашади. Уларнинг ҳаммасида Неъматжон акадагидек олижаноб фазилатлар бор.

Неъматжон ака номларини кўчага қўйиш ҳақидаги бизнинг таклифимизни Тошкент шаҳар Ҳокими ижроия маҳкамаси қувватлаб қарор чиқарганидан мамнунмиш...

Неъматжон Аминов кўчаси бўйлаб кўйига қараб юрсангиз, Кўча даҳасига чиқасиз. Кўча ниҳоятда фойзли, суприлиб-сидирилган, сувлар сеппилган, кўчанинг икки бетига экилган мевали дарахтлар ямшиқ барг чиқариб, гўё янги номни қутлагандек гуллаб турибди. Кўча чамаси икки қақчимча келади. У Шоҳмад Шомаҳмудов кўчаси билан туташади. Бу одамни ҳам Сиз танийсиз, 14 етим болани тарбиялаб вояга етказган олижаноб ишчи-темирчи Шоҳмад ака. Шу икки кўча тимсолида мен икки заҳматқаш ишчи, икки дўст учрашувини кўрдим.

Васила ЗАЙНУТДИНОВА.

* «Энг намунали

оила» танловига

СИЗГА ЎХШАБ ЮРИШСИН



ВАҲОБ ака ота-онасидан яккаю ягона фарзанд эди. Чолу кампир ёлғизимиз ўзидан кўпайсин, деб яратгандан сўраган эканларми, ниятлари ижобат бўлди. Ваҳоб ака саккиз ўғил ва беш қизга ота бўлди. «Янгиари» маҳалласида Ваҳоб акани газ, кўмир билан иситиладиган печ устаси сифатида ҳурмат қилишарди. Фарзандлари вояга етай деганда, бевақт ўлим уни жигаргўшалари орасидан олиб кетди. Турмуш ўртоғи Қурбоной ая оилада ҳам она, ҳам ота бўлиб қолди. Ваҳоб ака унга ўғил-қизинг тинч, сен тинч, сен тинч, маҳалла тинч, дерди. Шунинг учун, у эрининг васиятига кўра ўғил-қизларининг ўзлари кўнгил қўйганлари билан турмуш қуришларига амал қилди. Балки, фарзандларининг ўз оилаларида тинч яшайётганларининг сабаби шундадир.

Қурбоной аянинг ўғиллари ота касби — устачиликка меҳр қўйишди. Ботир, Зокир, Ҳусан, Зоҳид ва Бахтиёржонлар шаҳардаги Абулқосим мадрасасида ташкил этилган «Ижод» кичик корхонасида ҳунармандчилик қилишарди. Ёғоч ўймакорлиги, наққошлик каби ўзбек миллий санъати ривожига улуш қўшиб келишаётган. Ваҳобжон, Баҳром, Тоҳирлар ҳам турли соҳада хизмат қилишарди. Баъзи хонадонларда икки келин бир-бири билан чиқимайди. Қурбоной ая эса тўрт келин билан бирга аҳил яшайди.

— Мен бу хонадонга келин бўлиб тушганимга икки йилдан ошди, — дейди келинларидан бири Барноҳон, — ойим бизга сира насҳат қилмайдилар. Яшаш таралари билан ибрат бўладилар. Мунис ва оқила ойимиздан андоза олиб яшаймиш.

Қурбоной ая бирининг хонадонига келин бўлиб тушган қизларини, уни кўргани келишса, уйда узоқ тутиб турмайди. «Уйларингга жўнаганлар, келинларим менинг хизматимда» деб ҳазиллашиб кўяди.

Қурбоной ая маҳаллада обрўли онахонлардан. Тўйларда, сизга ўхшаб юришсин, деб ундан келин-куёвни дуо қилишни сўрашади. Бу эъзозга ҳар ким ҳам сазовор бўлавермайди. Бу оила ҳақидаги сўзга, бир отахоннинг Қурбоной ая тўғрисида айтган ҳикматли гапини тўлоса сифатида келтирмоқчи эдик: «Бу аёл раҳматли турмуш ўртоғи Ваҳобжоннинг руҳини шод қилгани учун шу бахтга муяссар бўлди.

Садриддин ШАМСИДИНОВ,
Киров райони.

СУРАТДА: Қурбоной ая фарзандлари билан суҳбатда.

ТАНЛОВ ХОМИНСИ — ЎРТА ОСИЕ КАБЕЛЛАР ИШЛАБ ЧИҚАРИШ БИРЛАШМАСИНИНГ «ЧИНОР» ИЖАРА КОРХОНАСИ.

* Бу нола—кимга ҳавола?

БОҒЧАМИ ЁКИ «УЛОВХОНА?»

Юнусобод даҳасидаги «Кўш-чирно» маҳалласи чойхонасида гурунглашиб ўтирган отахонлар суҳбатидан баҳраманд бўлиш ниятида даврага кирдим, беҳос эшитган хабардан таъжим хира тортиди. Уларнинг сўзларига қараганда 5, 6, 7-кўп қаватли уйлар оралиғидаги бўш жойга шахсий машиналар сақланадиган жой — «уловхона» қурилар экан.

Аслида ушбу мавзе бундан роппа-роса ўн йил аввал бунёд этилиб, фойдаланишга топширилган чоғда режада болалар боғчаси учун майдон ажратилган эди. Аммо иқтисодий қийинчиликлар туфайли ёки мутасадди ташкилотлар раҳбарларининг совуққонлигиданми, қурилиш орқа-га сурила-сурила, бўш ер ах-

латхонага айланди. Қишда лой кечиб, ёзда чанин-пашшага таланган маҳалла ҳар замонда бир тозаланади.

Бундан беш-олти йил бурун, шу атрофда яшовчи ёшлар ҳашар йўли билан спорт майдончаси қуриш ташаббуси билан чиққанларида маҳалла комитетининг раиси боғча бу йилги режадан қолмаслиги, албатта қурилаётганини айтиб, улар шахтини қайтарганди. Мана, ўн йилдирки, ваъда ваъдалигича қоляпти.

Хўш, бундай аҳоли қачонгача давом этади. Бўш жойга қайси бири қурилади: боғчами ёки «уловхона»?!

Ҳикматулло — ФАЙЗУЛЛО
Ўғли,

2-йўналишли такси автокорхонасининг ҳайдовчиси.

РУЗИМАТ Қиличевни Собир Раҳимов районидида Тансиқбоев маҳалласида ҳунарманд уста сифатида ҳурмат қилишади. У республика 1-руҳий хасталиклар шифохонасида ишлайди. У энгилдан кейинги Тошкент қурилишида иштирок этган. Бугун ҳам у эл хизматида. Уйда мўъжазгина кутубхонаси ҳам бор. Устага ҳаётий масалаларда бир неча савол билан мурожаат қилдик.

* Ҳаётий нақллар ТАЖРИБАСИГА ТАЯНАДИ

— Рузимат ака, эл орасида яшаш кишидан анча масъулиятни талаб этади. Маҳалладошлик, деганда нимани тушунасан?

— Маҳалладошликнинг ҳеч қандай қонун-қоидаларда қайд қилинмаган ўз қонуниятлари бор. Яъни, одамнинг илм савияси, касб-кори, масхаби, дини, тили ва иқтисодий ҳолати аҳамиятга эга эмас. Республикада турли миллат вакиллари аҳилликда яшашаётган маҳаллалар бунинг далилидир. Маҳалладошлик кишидан ҳалоллик, тўғрилиқ ва инсофни талаб қилади. Чунки, маҳалла ҳар бир оила рўзгорининг катта бир бўлаги. Маҳалла обрўси шу жойда яшовчи одамнинг обрўсидир. Маҳаллада асосий масалани оқсоқоллар ҳал қилади. Улар ҳеч қачон ноҳақ ҳукм чиқаришмайди. Бандасидан пора олмайди. Ортиқ қозғозлик қилиб ҳам ўтирмайди. Чунки, улар маҳалладошлик — тобутнашлик эканлигини яхши тушунишади.

— Ойлада отанинг ўрни ҳақида нима дея оласиз?

— Қозоқ халқининг туб келиб чиқиш тарихини билмасам ҳам, уларни «етти

ота»ларини билганлари учун ҳам ҳурмат қиламан. Эр — ота, дегани. Ота бутун бир элат-қавмдир. Қайси қавмда эрлар кўп бўлса, шу авлод афзалликларга бой бўлади. Бу тарихий ҳақиқат. Тарих бир кишининг умри бўлмаса ҳам, отасига, удумига қарши борган нусхаларнинг тақдирини бир-бирга жуда-жуда ўхшаш тугатади. Масалан, Абдулатиф отаси ўлимига сабабчи бўлди. Кўп ўтмай ўзи ҳам шу тахлит ўлим топди. Тарихда бундай мисоллар кўп. Удумимизда эл-боши қўйилмоқчи бўлса, зоти кимлиги, ота-онасига муносабати, ота-онасининг эл олдидаги нуфузи, халқнинг шу зотга муносабати, илм-ҳунарда қайси даражага етишгани, кўша қаригани, серфарзандликлари инобатга олинади. Энди...

Хуллас жамият равнақини ўйламоқчи бўлсак, оталар мавқеини ўз ўрнига қўймоғимиз керак.

— Турли меҳнат кишилари турлича аҳволда яшашади. Яъни, заҳматқаш инсон ҳам яхши турмуш кечирмаслиги мумкин. Нега шундай?

— Табиатни қаранг, барча жондорлар бир-бирларининг қушандалари-ю лекин бирорта тур ўз ожизлиги билан йўқолиб кетмайди. Бирининг иккинчисида бир устулиги борки, улар тур сифатида сақланиб қолади. Одамда шу устулик онг. Ким онгли, тажрибали бўлса, шу яшовчан. Онг эса меҳнатнинг маҳсулоти. Онгли бўлиш учун меҳнат қилиш керак. Меҳнатни ҳам жафонаш даражасига етказиб уйдлаш керак. Кейин меҳнат натижаси аввало ўз эҳтиёжининг қоплашига ақлинг етсин. Ҳар ким ҳаёт қопқонларига тушмай, тузоқларига илнмай, пистирмаларида бечора қолмай, деб ҳар кунни эрта турганида ишларини режалаштирса, бу етарли эмас. Инсон ҳар дақиқа, ҳар нафас, ҳар қадамда ўз-ўзини ямтиқон қилсин. Яшаш учун инсон фақат ўз тажрибасига таянади.

Суҳбатдош Ашуралли ЖҲРАЕВ.

Кўпчилики машхур нақли бироз ўзгартириб, ҳамкасбинг кимлигини айтсанг сенинг кимлигини айтман, деса ҳам, афтидан, булар. Шу маънода ҳамкасбларимизнинг мана, 17 йилдан бери пойтахтнинг Ҳамза район 155-мактабда директорлик қилиб келаётган Жўра Ортиқов ҳақидаги фикрлари эътиборга молик.

Х. Жўрабекова, ўқитувчи:
— Жўра ака ўқувчиларни жамиятимизнинг муносиб фуқаролари бўлиб воқифа етиштириш учун ҳақиқий жонкуяр ва фидойи устоз, моҳир ва ишбилармон ташкилотчи, ҳалол ва адолатли инсон.

Х. Эгамбердиев, ўқитувчи:
— Жўра Ортиқович умрини мактабга бахшида қилган инсонлардан. У киши эрта-лабдан кечгача илм даргоҳини тарк этмайдилар, ўқув-тарбия жараёнидан тортиб хўжалик ишларигача барча масалаларга шахсан масъулиятни ҳис этидилар. Муаллимларимиз директоримиздан ибрат олса аризулик, В. Суворцева, ўқитувчи:
— Директоримиз муаллимлар жамоасини аниқ мақсад сари йўналтириб турган ташкилотчигина эмас, айна вақтда чуқур билимга, бой тажрибага эга иқтидорли ўқитувчидир. У тарих ва жамиятшуносликдан дарс берар экан ўқувчиларни маълумотлар, воқеалар билан

таълимири қолмасдан, мустақил фикр юритишга, ўтмиш ва бугунги кун, ҳаёт ҳақида мустақил нуқтаи назари бўлишига астойдил ҳаракат қилади...

У муаллим сифатида илк бор мактаб оstonасидан ҳатлаб ўтганида 1955 йил эди.

• Бу киши- биздан У ТАРБИЯЛАГАН НИҲОЛЛАР

Ушанда Жўра Тошкент давлат муаллимчилиқ олий илмгоҳи тарих-филология куллиети толиби эди. Назарий билимларини амалиёт билан узвий боғлаш тез орада уни муаллимлар жамоаси ўртасида танитди. Ташаббускор, серғайрат, истеъдодли ўқитувчи 1966 йилдаёқ Ленин районидagi 154-мактабда ташкилотчи бўлиб ишлаб бошлади. Роппа-роса ўн йил ўтгандан сўнг эса унга шу 155-мактаб муаллимлар жамоасига раҳбарлик қилиш ишониб топширилди.

Таълим-тарбия жараёни оdatда игна билан қудуқ

қазинишга қиёс қилинади. Ана шу ниҳоятда оғир, мураккаб ишнинг бошида бўлиш айниқса катта масъулият талаб этади. Жўра ака бу ишни муваффақиятли уddалаб келаятган устозлар сарқоридир. Ушбу илм даргоҳини тугаллаган ёшлар ҳозир турли соҳаларда самарали меҳнат қилиб келаятирлар. Улар орасида олим-муфазалолар, маданият намояндалари, йирик ташкилотчилар кўп. Энг қувонарлиси у қалдирғоч қилиб учирма қилган ёшлари бугун шу мактабда директор билан ёнма-ён туриб ишламоқдалар, келажакимизга пойдевор қўймоқдалар.

Жўра ака фаол жамоатчи ҳам. Ленин райониди уни маҳалла қўмиталари ишнинг мувофиқлаштириш кенгашининг раиси сифатида яхши билишади. У кишининг бевосита ташаббуси, фидойилиги билан маҳаллаларни обodonлаштириш, янги маданий-маиший иншоотлар қуриш, тарихий ёдгорликларни сақлаш соҳасида катта ишлар амалга ошириляпти.

Жўра Ортиқов таваллудининг 60 йиллигини нишонлаяптилар. Устозга ҳорманг, эзгулик ниҳолларини парвариш қилишдек улў ишиниғизда янги муваффақиятларга эришинг, деган эзгу тилларимизни билдирмоқчимиз.

Зарифа ОРИПОВА.



Отамга қора чой, амакимга кўк чой дамлаяпман.

Рустам Шарипов сурати.

Бозор иқтисодиёти кам даромадли ва кўп болали оқлалар, ногиронларга ўз таъсирини кўрсатмоқда. Озгина бўлса ҳам яшаш шароитини енгилаштириш, ёрдамга муҳтож кишиларни иқтимоий ҳимоя қилиш, уларни ҳам моддий, ҳам маънавий жиҳатдан қўллаб-қувватлаш мақсадида пойтахтимизда «Она» меҳр-мурувват жамияти ташкил топган эди. Жамоа қисқа вақт ичида кўплаб хайрли ишларни қилиб ўлгурди. Фрунзе районидagi боқувчис йўқ, ёлғизликда қийналяётган оқлаларга Янги йил арафасида 50 тонна қарам, қизил сабзи, 10 тонна картошка, 5 тонна пилез тарқатилганига ҳали кўп вақт бўлмади.

«ОНА» МЕҲРИДАН БАҲРАМАНД

Кўп болали оналардан Қумри она Шарипова ва Холида Манноповалар биттадан сизгирни қабул қилиб олишар экан, кўрсатилган бундай ғамхўрликдан миннатдор бўлишди.

— Шуниси диққатга сазоворки, жамиятнинг саховатидан маҳалламиздаги 200 оила баҳраманд бўлди, — деди Абдулла Авлоний маҳалла комитетининг раиси Турғун Ака Бекмуҳамедов. — Ҳозир одамларнинг кўнглини кўтериш ҳар қачонгидан ҳам зарур, деб ўйляйман.

Жамиятнинг «Она» деб номланишида ўзига ҳос маъно бор. Жамоа маҳалла ва мазоаларда истиқомат қилаётган меҳнатга лаёқатсиз ногиронлар, бева-бечораларга онадек меҳр-мурувват кўрсатди, ўз ёрдамини аямайди. Тошкент шаҳар хотин-қизлар комитети билан ҳамкорликда қатор тadbирлар ишлаб чиқиб, турмушга жорий қилинаётгани ҳам мактовга лойиқдир.

— Мен ҳам онаман, — дейди жамият раиси Нафиса она Тошпўлатова биз билан суҳбатда. — Шу боис аёлларимиз ҳаёти, уларнинг интилишларини яхши биламан. Эзгу ниятим яқин келажекда орамизда

ночор оилалар сира қолмасин. Фарзандларимиз бахтиёр ўсишини истайман. Бунга эришиш учун шаҳримиздаги меҳр-мурувват жамиятлари ва жамғармалар тинмай қайғуришлари керак.

Нафиса она ҳақ гапни айтдилар. У кишининг яхши бир одати бор. Доимо маҳаллаларни айланиб, аёлларнинг турмуши, қандай яшаётганлари билан қизиқадилар. Шу йўсинда пойтахтимиздаги бир қанча маҳаллаларга Наврўз байрами муносабати билан ёрдам тариқасида бир қанча совғалар ўлашилди. Жумладан, 200 дан зиёд қаровчис йўқ ёлғиз беморларга 50 жуфт ёстиқ жилди ва чойшаблар берилди. Яқинда «Эриқзор» маҳалласида бўлиб ўтган тadbирда эса даромади кам оилаларга жамият томонидан бир неча жуфт қалиш, кичик ёшдаги болалар кийимлари тарқатилди. Уларнинг бу мурувватидан маҳаллада 20 дан ортиқ хонадон баҳраманд бўлди. Ушбу тadbирда иштирок этган Тошкент шаҳар хотин-қизлар комитети раиси муовини Холида Қодирова жамиятнинг ташкил бўлгандан буён ўтган қисқа фурсат ичида жуда улкан ишларни амалга оширганини тўғрисида гапириб, уларнинг Наврўз умум-халқ байрами арафасида ночор оилаларга кўрсатаётган ғамхўрликларини алоҳида таъкидлади. Чунончи, жамият 27 кишига 6000 сўм моддий ёрдам қилгани ҳамда «Тўқимачи» стадионида ўтган байрамда жамият болалар учун махсус учта «спорт» келтириб, кичкинтойларни бепоул сайр эттирганини ва уларга жамият томонидан 50 килограмм ширинлик ва конфетлар бепоул ўлашилганини ҳам айтиб ўтди.

Ҳа, «Она» жамиятининг саховатидан бугунги кунда нафақат Фрунзе ноҳиясидаги маҳалла ва мазоалар балки шаҳримизнинг барча маҳаллаларида истиқомат қилаётган кишилар, кўпболали оилалар ҳам баҳраманд бўлишмоқда.

Жамиятимизда «Она» каби жамоалар бор экан, кўнгли тескин топиши шубҳасиз, Зеро, ана шундай меҳри дарё кишиларнинг муруввати туфайли одамларда ҳаётга бўлган муҳаббат ва ҳавас ортиб бораверади.

Зулфия ДУСМУҲАМЕДОВА.

• Тоғжовий тажамма келган хатлар

ЙЎЛАК ҚУРИЛСА

ИНИМ ТОҶИВОЙ! Биз — оқсоқолларнинг ҳам дардига кўпоқ солсанг. Маҳалламиз масжиди бир тепаликни иккига бўлиб ўтган жарлик — «Жун» анҳори қирғоғида қурилган. Яъни, масжид асосий йўлдан 14—15 метр пастликда. Йўл шунча пастликка қараб қия тушганидан транспорт воситалари ҳавф тугдиради. Ҳар кун шу йўлдан жон ҳовучлаб ўтамиз. Йўл чеккасида йўлак қурилса, ибодат учун масжидга беҳавотир, кўнглимиз ёришган ҳолда қатнар эдик.

Мелибой ҚОРАБОВ,
Маннон АБДУРАҲМОНОВ,
Омон РАСУЛОВ,
Асатилла НУРМАТОВ,
Сергей район, Навоий номили маҳалла комитети аъзолари.

КЎЧАМИЗДАН ЎТМАНГ

Тоғжовий! Агар бизнинг Зебо Шамсуддинова кўчасига бирор транспортда келсангиз, албатта, кўчамизни четлаб ўтинг. Йўлимиз жуда нотекис, асфальтлар кўчиб ётибди. Чунки, маҳалламиз ҳудудида 1-автомобиль парки, район автомобиль йўллари механика базаси, 6-механизация бошқармаси сингари корхоналар жойлашган. Йўлимизнинг бундай ҳолга келишида кўпинча шу



жамоа шофёрлари сабабчи бўлишади. Улар машина бошқаришда техник ҳолатларга эътибор беришмайди. Хабарингиз бор, чет элда бирор асфальтни кўчиришга тўғри келса, аввал айбдор аниқланади. Қайта ремонт учун кетган харажат унинг зиммасига юклатилади. Бизда эса, шoir айтганидай «бировнинг қурганини, биров бузар бемалол».

Ҳамза район 3. Шамсуддинова маҳалла аҳолиси номидан:

Уйғун ШОРИХСИЕВ.

«БЕЛБОҒСИЗ БЎЗЧИЛАР»

ОТАМ ўттиз етти йил район алоқа бўлимида хизмат қилган. Мен ҳам 1972 йилдан буён шу соҳада ишлаб келаяпман. 1985 йил январь ойида уйимизга телефон ўтказиш учун ариза бергандик. Етти йилдирки, бирор натижа йўқ. Бўзчи белбоққа ёлчимайди, деб шунга айтсалар керак-да, дўстим Тоғжовий!

Ғофир ҲОШИМОВ,
Собир Раҳимов район, Фобрий номили маҳалла.

МАРҲАМАТ, СЎРАЙВЕРИНГ

Эркин ЮСУПОВ: Мен Фрунзе районидagi Абдулла Авлоний маҳалласида яшайман. Кўзи ожизлар жамияти аъзоси, биринчи тоифадаги ногиронман. Кватирга ва коммунал хизматлар учун 50 фоиз ҳақ тўлардим. Эндиликда буларга илгаригидан кўп миқдорда ҳақ олишаяпти. Шу тўғрими!

ЖАВОБ: Амалдаги тартибга кўра биринчи тоифа кўзи ожиз ногиронлар квар-

тира, электр энергияси, газ, сув тармоқларидан фойдаланганлик учун 50 фоиз ҳақ тўлайдилар. 1992 йил 1 январдан эътиборан бундай хизматлар бозор шароити туфайли бир мунча кўтарилди. Демак, сиз кватирга ва коммунал хизматлар ҳақини оширилган нархда, аммо 50 фоиздан ошмаган ҳолда тўлаётган бўлишингиз керак.

Абдужалил ҲАСАНОВ.



ТОНГДА эшик очилса,
Файз киради ҳовлига.
Ховлидаги одамларнинг
Нур тўлади кўнглига.
Тонгда эшик очил,
Хонадонда нқбол бор.
Меҳр ўти — шуурли,
Ишонч ҳисси — бегубор.
Остонасиз супурган,
Келилар бахтга тўлсин.
Замоннинг тинчлигидан
Эшиклар очил бўлсин.

Рустам Шарипов сурати.

Маҳалла

МАНЗИЛГОҲИМИЗ: Тошкент шаҳри, Ленинград кўчаси 32-уй.
Телефонлар: 32-53-66, 33-99-42.

ЖАМОАТЧИЛИК
ТАҲРИР ҲАЙЪАТИ.